

## 6<sup>th</sup> Semester Course

Sub-Bodo (Major)

Paper-6.1

आयदा- भारतआरि थुनलाइ

### Unit-1

© जीबन बन्दना एबा जिउनि रोजाबथाय – काजी नजरुल इछलाम (बांला खन्थाइ)

Prepared By: Sunita Baro

Assistant Professor

Department of Bodo

North Kamrup College, Baghmara

## जीबन-बन्दना एबा जिउनि रोजाबथाय

### खन्थाइनि सायाव सावरायनाय:

जीबन-बन्दना खन्थाया मुलुगनां सानस्रि गोनां दोसे खन्थाइ । खन्थाइगिरि काजि नजरुल इसलाम बे खन्थायाव आबादारि गैजारोडिफोर आरो बेदुइफोरनि जिउखौ लानानै लिरदों। गैजारोडै आबादारि आरो बेदुइनफोरा समाजनि गोरों-गोरा, गोनां-गोथोंफोरजों अरायबो बासिजानाय सुबुंफोर। बिसोरखौ बर्बर आरो दैखरनि एम्बु होन्नानै बै थाखोनि मानसिफोरा बुडो । सुबुंस्रि जौगानायनि फारसे गोबां बिहोमा होबोनाय आबादारिफोरनि नेवसि जानाय जिउमानि फारसे खन्थाइगिरिनि गोर्बोया गाबखांनाय देंखोया बे खन्थायाव बेरखांदों।

बे बैसोमुथिनि बिखायाव आबादारिफोरा गोब्राब हाबा मावसोमनानै जानांग्रा सुबुंफोर। मैयाबो, दिनैबो, गाबोनबो गोबां देहा होसोमबायनानै आखाइनि खामानि मावसोमबोबय थानांनयजों बिसोरनि आखाइ मुथाफोरा दावथुथ जालांजोबनाय। बिसोरनि आखायफोरा राखें-राखें जालांजोबाय। देहा होसोमबायनानै बिसोरनि हाबा मावबोनायजों बे बैसोमुथिया सोमखोर सोमखोर देलाइस्रि महर लायो। बिसोरनि आबाद गाइनाय आरो फोनायजों बाइदि रोखोमनि आबाद बिफां गायो, बै बिफांफोरा रोदोमो, देरबोयो, दालाय-बिलाइफोराव रंबिरनि बिबार बारो आरो फिथाय थायो। बिसोरनि गोब्राब आबाद मावनायजों सोमजिनाय फिथाइ-सामथाय आरो बाइदि आदारफोरखौ दुलाराय बहुमनि गासौबो सुबुंफोरानो जायो। बेयो आबादारिफोरनि सुबुं माहारिनो होत्राय अनथोब।

.मानसिल नडा, गासौबो जिउआनो थैसुला। जिउ थैसुला बैसोमुथि बिखायाव आबादारिफोरनि आखाइजों मुलुग संसारा ,समाइना जानानै थायो।

गोब्राब खामानि मावनायनि धोरोम गोनां आबादारिफोरनि उल्थायै जायफोर दड-बिसोरखौ खन्थाइगिरिया बर्बर होन्नानै बुंदों। आबादारिफोरा आबाद मावनायनि गेजेरजों बैसोमुथिखौ हायनारी खालामनायनि उल्थायै बै बर्बर सुबुंफोरा बिफां-लाइफां दानफायो, बैसोमुथि बिमाखौ लंथं एबा लांदां खालामो। बिसोरो औरैबायदि गोनां, बिसोरनि दिन्थिनाय गोहोया अरनबारिनि मोसा, बालाहामानि सिंह-एबा गुदुंफोराव थानाय गालफा गुवार जिबौफोर बायदि। बिसोरो सोद्रोमा गोनां नडा। बिसोरनि गेजेरजों गोबां जाजाबर गथ'साफोर जोनोम जालांबाय। बै जाजबर गथ'फोराबो लांसुनिया बिमा-बिफाफोर बायदि।

बिमा-बिफाफोरनि बर्बरताजों जोनोम जानाय जाजाबर गथ'फोरानो बैसोमुथि बिमा, बिमा मेरी-आरो जिशुनि मेथाइ रोजाब फैयो। बिसोरनि मावनाय, सान्नायफोर मिथिंगानि खान्थिनि बारगा। बेनिखायनो खन्थाइगिरिया बुदो:

- " जायनि खारथायजों हाथर्खि फागलाबादि लाथिख याव

गोखै गिदिडो बैसोमुथि।"

मिथिंगानि बाइदि बिफां-लाइफांफोरखौ दानफायनानै गावसोरखौनो गोजौ थाखोनि सुबुं होन्नानै सान्नानै लाग्रा बै सुबुंफोरा गोदान नोगोर चहर फसडो आरो लुबावयो बिसोरो इन्द्रपुरि एबा अमराबती। बिसोरनि फोजोबस्रानायनि गेजेरजों जोनोम मानो-सोरगोपुरि। हाइनारि मिथिंगाखौ फोजोबस्रानानै बे बायदि गोदान गोदान नोगोर-चहर एबा अमराबति लुनायजों बिसोरनि गोसोया बारायगानानै अख्रं नांगा-नांगा हिमालय हाजोखौबो एवस्रानो सिगां लाडो आरो गोथौ लैथोनि दैखौबो सुरुबनानै लोंनो गोहो फोरायो।

बेफोरजॉल' बिसोरनि गोसोनि हास्थायनाय आरो नाजानाय थाबथानानै थाया। अराइबो गोदान बुहुमखौल नागिरग्रा बिसोरनि गोसोया गोजौ फारसे एबा अख्रं फारसेबो दावखोलांनो नाजायो। बिसोरो जिउखौ औरैबायदि थुलुंगाखांनाय मोनोदि-लाथिख'याव दिन्दांनानै थानाय मंगल ग्रहफोरावबो बिसोरो दावबाय हैयो।

बिगियाना गोबां जौगाखांबोबय, बेजों लोगोसे सुबुं सोदोमस्रियाबो गोबां जौगाखांबोबाय। नाथाय बिगियाननि गेजेरजों बे सुबुं सोदोमस्रि जौगाखांबोनायनि उल्थायै मिरौ-जिरौ दड-आबादारिफोर। बिसोरो थांनानै थानायनि दावहायाव जेन्नानै थैनायनि दरखडाव लारि गसंनानै दड-होन्नानै खन्थाइगिरिया बुंदों। माखासेफोरा जिउनि दावहायाव देरहानानै मोनसेनिफ्राय गुबुन मोनसेयाव आखाय होलांबाय थादों नाथाय आबादारिफोरा जानानै थांनानै थानो थाखायनो गोब्राबनिफ्राय गोब्राब खामानि मावनांनानै आखाइ मुथाफोरानो राखें जोबनानै दड-होन्नानै खन्थाइगिरिया दुखु फोरमायदों।

हालुवा एबा आबादिरि लोगो ( **Cultivator friendly**) खन्थाइगिरिनि गोसोया बै आबादारिफोरनि फारसे अनखाडो आरो गाबखांनाय फैयो। मानोना बै आबादारि एबा हालुवाफोरा दिननि उनाव दिन, बोसोरनि उनाव बोसोर बे मोनसे हाबाखौनो नारा-नाथा मावबोगासिनो एबा मावनांबोगासिबो दड। बिसोरनि हाबा मावनायनि बोरोन( **Nature of work**) आरो खाफाला बे बेयानो बे, सोलानाय एबा गुस्लायनाय एसेबो नुनो मोनाखै। खन्थाइगिरिया, बेनिखायनो बिसोरनि दुखुखौ लानानै दुखुनि मेथाइ रोजाबनो गोसो जायो। खन्थाइगिरिया बै आबादारिफोरखौ जांख्रिथाय दावबायारि होन्नानै बुंदों, नाथाय बै जांख्रिथायारि आबादारिफोरा जेबो थि थांखि गैया।

आबादारि नडै-एबा आबादारिफोर बायदि देहा बाइग्लिलायनाय हाबा मावनाडाबालानो जिउनि बायदि बिथिडाव देरहा बोनायफोरा जिउआव देरहानायनि गोसो दुंखांनायजों जाखुब-लॉखुब खालामो। बिसोरो नांगौनि बांसिनै ना-बेदर, जौ-चाहा, गोदै, गोबाब जानायजों देहाखौ नोरजिया, खालामनानै लायो। बेखौ सांग्रां खन्थाइगिरिया 'बिषनि पियाला' लोंनाय होन्नानै बुंदों। बेखौ जों बिसोरनि गोसो सेवलांनाय होन्नानैबो बुजिनानै लानो हायो। गात्रि सान्नाय आरो थांखोजों बुंफबनाय बिसोरनि गोसोया मावसोम बायनानै जाग्रा हालुवा एबा आबादारिफोरखौ " बर्बर " आरो " दैखरनि एम्बु " होन्नानै सोंखारियो आरो नेवसिगारनो नाजायो। बे मोनसे समाजावनो गावसोरखौ "जौगाखां", "गोसो गुवार" आरो "सोदोमस्रि गोनां" होन्नानै सान्नानै लानायनि उल्थायै हालुवाफोरखौ "सोदोमस्रि गैजायै", "गोसो गुसेब" आरो "नेहात जोलै" होन्नानै फाराग खालामनानै दोन्नो नाजायो।

समाजनि गुवार आरो गेदेतसिन बाहागोनि बै हान्जाजों मुगैजाग्रा आबादारिफोरजों खन्थाइगिरिया लोगो जाफादों, दुखु फोरमाय फादों, हांमा सुरफादों आरो नेवसि जादों, मुगै जानाय आबादारिफोरनि जानानै मेथाइ सुजुनानै रोजाबनो थाखाव खन्थाइगिरिया जों बयखौबो हांख्राय हरफादों।

बे खन्थायाव **Marxism** नि देंखो दडा गोना-गोथों एबा परिष्टक्रेटिभ नखरफोर एबा खुंथाइनि हेंथायै बिग्रायखांनायनि इसारा बे थन्थायाव दडः। गेदेर गोलावफोरनिखौ नेवसिनानै गैजारोदैंहालुवा एबा आबादारिफोरनि दुखु दाहाखौ खन्थाइगिरिया बे खन्थाइनि गेजेरजों गोनांग्रोसिन होन्नानै दिन्थिनो नाजादों।

बे बैसोमुथिनि बिखायाव जायफोर असे फिसा आरो मावथि-बिसोरनो जादों आबादारि एबा हालुवाफोर। बिसोरनि दिनफोरा देहाजों गोब्राब हाबा मावनायजोंनो बारगलाडो। बिसोरनि आबाद मानवायखौ जानानैनो बुहुमा गोथां जानानै दडः। बुहुमखौ समायनायै फोथांनानै लाखिनाय बै आबादारिफोरा नाथाय गोजौ थाखोनि मानसिफोरजों नेवसिजानाय आरो सोदोमस्रि गैजायै दैखरनि एम्बु होन्नानै मुगै जायो।

बेनिखायनो खन्थाइगिरिनि गोसोयाव बिसोरनि जानानै दुखु आरो गाबखांनाय फैदों। बिसोरनि जानानै खन्थाइगिरिया आर'ज गाबदों।